

UKA 2016/136: Borgmesterit borgmesteritut atuunnermik saniatigut aallaavittut allamik suliffeqarsinnaanerannik suliffimmilluunniit ingerlatsisinnaanerannik pisinnaajunnaartitsisumik, Naalakkersuisut kingusinnerpaamik UKA 2017-imi kommunit aqunneqarnerat pillugu Inatsisartut inatsisaanut allannguutissatut siunnersuummik saqqummiussinissamik peqquneqarnissaannik Inatsisartuni aalajangiiffigisassatut siunnersuut.

Pillugu

siunnersuutip aappassaaneerpeqarnerani

Inatsisinut Ataatsimiititaliap

ISUMALIUTISSIISSUTAA

Suliaqarnermi Inatsisinut Ataatsimiititaliap uku inuttarai:

Inatsisartunut ilaasortaq Anders Olsen, Siumut, Siulittaasoq
Inatsisartunut ilaasortaq Michael Rosing, Demokraatit, Siulittaasup tullia
Inatsisartunut ilaasortaq Iddimangiiu Bianco, Inuit Ataqatigiit
Inatsisartunut ilaasortaq Laura Tàunâjik, Siumut
Inatsisartunut ilaasortaq Debora Kleist, Inuit Ataqatigiit

1. Siunnersuut tunuliaqutaalu pillugit

Siunnersuuteqartup kissaatigaa Borgmesterit borgmesteritut atuunnermik saniatigut aallaavittut allamik suliffeqarsinnaanerannik suliffimmilluunniit ingerlatsisinnaanerannik pisinnaajunnaartitsisumik malittarisassiorqarnissaa.

Siunnersuuteqartup tassunga atatillugu malittarisassat Naalakkersuisunut ilaasortanut ataasiakkaanut Inatsisartullu Siulittaasuannut atuuttut tikkuarpai.

Siunnersuuteqartup soqutigisat aporaassinnaanerannut aarlerinartoqarsinnaanerannik killiliinissap kissaatigineqarnera tamatumunnga tunuliaqutaanerarpaa, tassunga ilanngullugu inuttut soqutigisat atuuffimmik ingerlatsinnermut sunniuteqarsinnaanerannut aarlerinartoqarnera pissutigalugu, ilaatigullu atuuffimmik isumaginninnerup piffissaq tamakkerlugu ingerlanneqarnissaanik tamakkiisumillu aallussillunilu tunniusimanissamik kissaateqarneq.

Tassunga atatillugu siunnersuuteqartup erseqqissaatigaa kommunit kattussuunneqarneranni borgmesterit akisussaaffiat suliassaallu siusinnerusumut sanilliullugu annertuseriarujussuarsimasut, ullumikkullu borgmesteriuneq ulloq naallugu atuuffittut naatsorsuunneqartariaqartoq. Tamanna borgmesterit akissarsiaasa annertussusaat pillugu malittarisassani naatsorsuunneqarpoq. Kommunalbestyrelsillu taamaalillutik borgmesterit ukiumut 918.000 kr-it pallillugit akissaasersinnaalersimavaat.

2. Naalakkersuisut akissuteqaataat

Naalakkersuisut akissuteqaamminni siunnersuutip itigartitsissutigineqarnissaa inassutigisimavaat.

Naalakkersuisut innersuussutigaat borgmesterit akisussaaffii piginnaatitaaffiilu pingaarutilitsigut Naalakkersuisut akisussaaffiinit piginnaatitaaffiinillu allaanerussuteqartut. Taamaammallu Naalakkersuisut isumaat malillugu malittarisassanut Naalakkersuisunut atuuttunut borgmesterit atuuffiinit malittarisassanik assersuussinissaq mianerisariaqartoq.

Borgmesteritut atuuffeqarnerup piffissaq tamakkerlugu suliffiusinnaanera Naalakkersuisut akuerisinnaavaat, taamaattorli tikkuarlugu kommunit aqunneqarnerannut aaqqissuussinermi tamanna piumasaqaataanngitsoq (aamma kommunit kattutsinneqareerneranni), Inatsisartullu maannamut isumaqartut, allamik atorfeqaatigaluni imaluunniit inuussutissarsiummik ingerlataqaatigaluni borgmesteritut atuuffeqartoqarsinnaasoq.

3. Inatsisinut Atatsimiititaliap isumaliusersuutai

Inatsisinut Ataatsimiititaliap maluginiarppaa, siunnersuut marlunnik siunertaqartoq: Ilaatigut soqutigisanik aporaatsitsisoqaratarsinnaanerata killilersimaarnissaa, ilaatigullu pisariaqartoq naapertorlugu sulinikkut, eqeersimaarnikkut tunniusimanikkullu atuuffiup piffissaq tamakkerlugu paarineqarnissaata isumannaarneqarnissaa.

3. 1. Soqutigisat aporaatseratarsinnaanerannik killilersimaarinissaq eqqarsaatigalugu

Eqqarsaatigisassamut siullermut tunngatillugu – tassa soqutigisanik aporaatsitseratarsinnaanerup killilersimaarnissaa eqqarsaatigalugu Inatsisinut Ataatsimiititaliap maluginiarppaa Pisortat ingerlatsineranni suliassat sularineqartarnerat pillugu Inatsimmi¹ taamaattoqaratarsinnaanera pinaveersaarniarlugu suliambut attuumassuteqarneq pissutigalugu suliampi peqataasinnaannginnermut malittarisassanik aalajangersagaqartoq. Malittarisassat taakku inuup suliap qanoq inerneqarnissaa pillugu inuttut immikkut, aningaasaqarnikkulluunniit soqutigisaqartup suliampi aalajangiisuusinnaanerannik, sulialluunniit ingerlanneqarnerani peqataasinnaanerannik

¹ Pisortat ingerlatsineranni suliassat sularineqartarnerat pillugu Inatsisartut inatsisaat nr. 8, 13. juni 1994-imeersoq, kingornatigut allannguutilik.

mattussisumik. Suliami peqataasinnaanginnermut malittarisassat naalackersuinikkut ingerlatsivinni pisortanut aamma atuupput, tassa Naalackersuisunut ilaasortanut, kommunalbestyrelsenut ilaasortanut, aamma borgmesterinut.

Taamaattoq isumaliutigissallugu tulluartsinnaavoq qanoq annertutigisumik naalackersuinikkut ingerlatsivinni pisortanut immikkut malittarisassaqaassanersoq, taakku atuuffimmik tigummiarnermi saniatigut assersuutigalugu namminersorlutik inuussutissarsiutigalugu suliffeqarfimmik ingerlatsisinnaanerannik mattussisunik, imaluunniit atuuffimmut aporaassinnaasunik immikkut aningaasaqarnikkut soqutigisaqarsinnaanerannik. Tamaalilluni takorloorneqarsinnaavoq soqutigisat ima annertutigisinnaasut imatulluunniit isikkoqarsinnaasut naalackersuinikkut ingerlatsivimmi pisortaq pineqartoq suliami peqataasinnaanginnerminik ima akulikitsigisunik nalunaartariaqartassasoq, allaat atuuffiup tigumminissaa pissutsit piviusut malillugit ajornakusuulerluni.

Naalackersuisunut ilaasortanut (Inatsisartullu Siulittaasuannut) Inatsisartut Naalackersuisullu pillugit Inatsisartut inatsisaanni² kapitali 5-imi (§25) aalajangersakkatigut malittarisassat atuupput. Malittarisassat taakku Naalackersuisunut ilaasortat Siulittaasuallu kiisalu Inatsisartut Siulittaasuat allanik atuuffeqarsinnaanerannik inuussutissarsiuteqarsinnaanerannillu mattussippat, tamanna Qinigaasinnaanerup Misilinneqarnissaanut Ataatsimiititaliaq tamatumunnga akuersisimangippat.

Naalackersuisut akissuteqaamminni tikkuarpaat borgmesterip piginnaatitaaffii aalajangiisinaanermullu piginnaasaat Naalackersuisunut ilaasortanut sanilliullutik killiqarnerusut.

Kommunit ingerlataat kommunalbestyrelsinit aquneqarput. Kommunip allaffissornikkut aaqqissuussaananeranut, kommunillu pisortaanerannik (kommunaldirektøri) atorfinitsitsinermut soraarsitsinermullu Kommunalbestyrelsi akisussaasuvoq.

Kommunalbestyrelsip aningaasaqarnermut ataatsimiititaliaa (borgmesterimik siulittaasoqartoq) kommunip susassaqarfiini ingerlatsinermut aqutsisuuvoq. Aningaasaqarnermut ataatsimiititaliap suliat kommunip karsianut naatsorsuusuutaanullu tunngassutillit kiisalu akissarsiat sulisoqarnikkullu pissutsit pillugit suliat tamaasa tigummivai (tamanna kommunip pisortaanerannik (kommunal direktør) atorfinitsitsineq soraarsitsinerluunniit eqqaassanngikkaanni, tamanna kommunalbestyrelsimit tamarmiusumit isumagineqarpoq).

² Inatsisartut Naalackersuisullu pillugit Inatsisartut inatsisaat nr. 26, 18. november 2010-meersoq, kingusinnerusukkut allannguutilik.

Kommunit aqunneqarnerat pillugu inatsit naapertorlugu borgmesterip nammineerluni piginnaatitaaffii pingaarnerusutigut imatut killiligaapput:

- kommunalbestyrelsi sinnerlugu suliassanik kinguartinneqarsinnaanngitsunik imaluunniit nalornisoorutaasinnaanngitsunik aalajangiinissaq,
- kommunip ulluinnarni allaffissornikkut aqunneqarneranik isumaginninnissaq aamma kommunalbestyrelsip ataatsimiititalu ataatsimiinnerini kiffartuussinissaq,
- kommunip ingerlatsinerani pisariaqartumik akuersissummik peqartoqartinnagu aningaasartuuteqartoqaranilu isertitaqartoqannginnissaanik isumaginninnissaq.

Tamanna tungavigalugu oqartoqarsinnaavoq soqutigisanik aporaatitseratarsinnaanerup isiginiarneqarnissaa borgmesterimuinnaanngitsoq, kommunalbestyrelsemulli ilaasortanut tamanut attuumassuteqartoq. Ajornartorsiulli unaavoq kommunalbestyrelsimut ilaasortat aningaasaqartitaanerat ima annertutiginnigmat, allaat atuuffiup saniatigut allanik suliqaarnissamut suliffeqarfimmilluunniit ingerlatsinissamut killiliinissaq pissusissamisoorinnaalluni. Borgmesterit kisimik aningaasaqartitaanerat ima annertutigaaq, killilersuinissap eqqarsaatigineqarsinnaalluni.

3.2. Atuuffiup piffissaq tamakkerlugu tigummineqarnerata isumannaarneqarnissaa eqqarsaatigalugu

Isiginiagassap aappaanut tungatillugu – tassa atuuffiup, pisariaqartoq naapertorlugu sulinikkut, eqeersimaarnikkut tunniusimanikkullu, piffissaq tamakkerlugu tigummineqarnerata isumannaarneqarnissaa eqqarsaatigalugu – Inatsisinut Ataatsimiititaliap paasivaa, Naalakkersuisut sinaakktissat borgmesterit aningaasarsiaqartinneqarnerannut aalajangersakkatik malillugit³ aningaasarsiat annertussusissaat toqqarsimagaat (ukiumut 918.000 kr.), tamannalu atuuffiup piffissaq tamakkerlugu atuuffiunerata tungavissaatinneqarneranik tungaveqarsimassasoq naatsorsuutigineqartariqarpoq.

Piomasagaat taanna aamma inatsisissatut siunnersuummut Naalakkersuisut katersuunnermi uani saqqummiussaminni tungavigisimavaat (Uunga siunnersuut: Kommunini suliassa qarfiit aqqissuuteqqinneqarnerata allanngortinneqarneranik Inatsisartut inatsisaat⁴). Inatsisissatut siunnersuummut tassunga nassuiaatini Naalakkersuisut ilaatigut imatut allassimapput⁵:

³ Borgmesterinik borgmesterillu tulliinik kiisalu kommunalbestyrelsinut nunaqarfinnilu aqutsisunut ilaasortanik aamma najukkani ataatsimiititaliat ilaasortaannut il.il. akissarsiaqartitsineq pillugu Namminersorlutik Oqartussat nalunaarutaat nr. 25, 30. december 2013-imeersoq

⁴ UKA 2016/117

⁵§ 22, imm. 2-mut nassuiaatit

”Siunnersuutigineqarpoq, Qaasuitsup Kommunanut borgmester-i, taanna aamma ikaarsaariarnermi ataatsimiititaliamut siulittaasutut toqqarneqarsimappat, marloriaammik aningaasarsianik pissarsissanngitsoq. Tamanna tunngaveqartinneqarpoq, borgmesteritut atuuffik tamanna naapertorlugu tamakkiisumik suliffittut aningaasarsiaqartitaanera.” (Ataatsimiititaliamit erseqqissaaserneqarpoq)

Naalackersuisunit tikkuarneqarneratut piumasaqaat taanna *kommunit aqunneqarnerannut aaqqissuussinermi* ersersinneqanngilaq, tassa kommunit aqunneqarnerannut Inatsisartut inatsisaanni, kommunit kattutsinneqarnerat sioqullugu kingornaluunniit.

Apeqquq ataatsimiititaliap uani isummerfigisassaa, tassaassaaq kommunit aqunneqarnerannut aaqqissuussineq allanngortinneqassanersoq, taamaalilluni borgmesteritut atuuffiup piffissaq tamakkerlugu atuuffiunera piumasaqaataalerluni, borgmesterilu aallaavittut borgmesteritut atuuffimmi saniatigut allanik suliaqarsinnaassanngitsoq suliffeqarfimmilluunniit ingerlatsisinnaassanngitsoq.

Borgmesteritut atuuffiup piffissaq tamakkerlugu atuuffiunissaanik piumasaqaateqarneq nammineerluni borgmesterip borgmesteritut atuuffimmi saniatigut allanik suliffeqarsinnaannginneranik suliffeqarfimmilluunniit ingerlatsisinnaannginneranik nassataqanngilaq. Taamaalilluni borgmesteritut atuuffiup piffissaq tamakkerlugu atuuffiunissaa piumasaqaataagaluarpalluunniit, borgmesteri borgmesteritut atuuffimmi saniatigut allanik suliffeqarsinnaavoq suliffeqarfimmilluunniit ingerlatsisinnaalluni – tamanna inatsisitigut borgmesterip taamak iliorsinnaanerannik mattussisumik aalajangersagaqanngippat.

Assersuutitut tikkuarneqarsinnaavoq Inatsisartunut ilaasortaanerup aamma piffissaq tamakkerlugu atuuffiunissaa naatsorsuutigineqarmat. Tamanna aningaasarsiaqartitaanermut inatsimmut piareersaatini erseqqilluinnartumik allassimavoq. Taamaattorli Inatsisartunut ilaasortat allanik suliffeqarsinnaanerannik suliffeqarfimmilluunniit ingerlatsisinnaanerannik mattussisumik aningaasarsiaqartitaanermut inatsimmi inatsisiniluunniit allani aalajangersagaqanngilaq – ilaasortallumi arlallit ingerlataqarput.

3.3. Naalackersuisunut ilaasortanut Siulittaasuannut kiisalu Inatsisartut siulittaasuannut malittarisassat

Inatsisartut Naalackersuisullu pillugit Inatsisartut inatsisaanni kapitali 5-imi malittarisassanik aalajangersagaqarpoq, aallaavittut Naalackersuisunut ilaasortat Siulittaasuatalu kiisalu Inatsisartut Siulittaasuata qinikkatut atuuffigisami saniatigut allanik atuuffeqarsinnaanerannik inuussutissarsiteqarsinnaanerannillu mattussisumik:

§ 25. Inatsisartut siulittaasuat, Naalakkersuisut siulittaasuat Naalakkersuisuniluunniit ilaasortaq ivertinneqarnermi nalaani allanik atuuffeqartoq inuussutissarsiuqartoqtaarlunniit taakkunannga tunuassaaq.

Imm. 2. Inatsisartut siulittaasuata, Naalakkersuisut siulittaasuata Naalakkersuisuniluunniit ilaasortap atuuffiit inuussutissarsiuqartoqtaarlunniit taakku ingerlatiinnarumallugit kissaatigippagu Qinersinerup Misilinneqarnissaanut Ataatsimiititaliaq tamanna pillugu erngerluni nalunaarfigissavaa. Nalunaarutip tigneraniit sapaatip akunneri pingasut qaangiutinnginnerini pineqartup atuuffimminik inuussutissarsiumminillunniit taamaattunik ingerlatsiinnarnissaa ataatsimiititaliap itigartitsissutigisinnavaa.

Imm. 3. Inatsisartut siulittaasuata imm. 2-mi piffissaliussap naanerata kingorna atuuffiit inuussutissarsiuqartoqtaarlunniit sorliit siulittaasup ingerlatiinnarsinnaanera nalunaarutigissavai. Inatsisartut siulittaasuata atuuffiit inuussutissarsiuqartoqtaarlunniit sorliit Naalakkersuisunut siulittaasup Naalakkersuisunullu ilaasortap ilaasortat sorlernik ingerlatsiinnarsinnaanersut Inatsisartunut nalunaarutigissavaa.

Imm. 4. Inatsisartut siulittaasuat, Naalakkersuisut siulittaasuat Naalakkersuisunilu ilaasortat atuuffinnik inuussutissarsiuqartoqtaarlunniit pineqartunik ingerlatsinermik saniatigut atuuffinnik inuussutissarsiuqartoqtaarlunniit nutaanik Qinersinerup Misilinneqarnissaanut Ataatsimiititaliaq akuersereersimatinnagu tiguseqqusaanngillat.

Siusinnerusukkut – 1. december 2010 tikillugu – taamaallaat *atuuffinnik* allanik tigummiarqarqeq, Qinigaasinnaanerup Misilinneqarnissaanut Ataatsimiititaliamit akuerineqarnissamik piunasaqaateqarpoq. "Inuussutissarsiuq" tassani ilanngunneqarsimanani.

Tamannali Inatsisartut Naalakkersuisullu pillugit Inatsisartut inatsisaannut nutaamut siunnersuummik suliaqarnermi (UKA 2010/24) allannguutissatut siunnersuummik akuersissuteqarnikkut allanngortinneqarpoq.

Tunuliaqutaasooq maluginiagassaqqippooq, eqqumiiGINALAAGINNARANI aammattaarli aalajangersakkap qanoq atuutsinneqarsinnaanera pillugu nalornisitsilersinnaalluni:

Ataatsimiititaliaq siunnersuummik suliarinnittuusoq aappassaaneerinninnissamut isumaliutissiissusiamini ilaatigut imatut oqaaseqarpoq:

"Naalakkersuisunut ilaasortat atuuffinnik allanik suliaqarsinnaanerat pillugu aalajangersakkat aningaasarsiaqartitsinermut inatsimmi § 9-mit Inatsisartut Naalakkersuisullu pillugit inatsimmi § 25-mut siunnersuuteqamikkut nuunneqarpoq. Tassunga atatillugu oqaatsip "atuuffiup" maannamut nassuiaameqamera § 25 pillugu nassuiaatini allarmgortinneqartoq ataatsimiititaliap maluginiarpa. Taamaalluni nassuiaatit malillugit oqaatsimi "atuuffimmi" oqaaseq "inuussutissarsiuq" aamma ilanngunneqarpoq, imaappoo suliat suullunniit aningaasarsiaqaataasut imaluunniit aningaasarsiaqataannngitsut. Maannamut periaasiusumut tunngatillugu nassuiaatip

allanngortinneranut pissutaasoq aalajangersagakkamut nassuiaammi ajoraluartumik paasisutissiissutigineqarmgilaq.”

Ataatsimiititaliami amerlanerussuteqartut ilaatigut imatut oqaaseqaateqarput:

”Isumaliutissiissummi matumani oqaatsit "atuuffiup" aamma "inuussutissarsiutip" taaneqartut mannalugu tikillugu paasineqartarnerat siunissami inatsisip pineqartup nassuiarneqartarnerini atorneqartassasut ataatsimiititaliami amerlanerussuteqartut isumaqarput. Taamaalilluni oqaatsip "atuuffiup" inatsisissatut siunnersuummi nassuiarneqarnera ataatsimiititaliap tapersersorsinnaaungilaa.”

Partiili ataaseq ikinnerussuteqartut oqaaseqaataannik saqqummiussivoq:

” [Partii] isumaqarpoq, Inatsisartut siulittaasuat, Naalakkersut siulittaasuat Naalakkersuisunullu ilaasortat qinikkatut atuuffimmi saniatigut inuussutissarsiuteqarsinnaanerat akissarsiaqaataalluni akissarsiaqaataananiluunniit, pissaanermik atorneerluinninnissamik aammalu soqutigisarsunnginnissaq qulakkeerniarlugu aaqqiissuteqartariaqartoq. Taamaammat [Partiip] inatsisikkut qulakkeerusuppaa, pissaanermik atorneerluinninnissaq soqutigisarsunnginnissarlugu anguniarlugu inatsisikkut sukaterisoqartariaqartoq nalilersuisoqartariaqartorlu. [Partii] isumaqarpoq, Inatsisartuni siulittaasuussagaanni, Naalakkersuisuni siulittaasuussagaanni aammalu Naalakkersuisuni ilaasortaassagaanni suliffik 100 % - imik atuuffiusariaqartoq saniatigooralugu atorfiunani Soorlutaaq Inatsisartut Siulittaasuat, Naalakkersuisut Siulittaasuat Naalakkersuisunilu Ilaasortaqaq arlaannaatigulluunniit attuumassuteqarani innuttaasut assigiimmik sullinnissaanut inatsisitigut tunngavilerneqarnera qulakkeerneqassasoq.”

Naalakkersuisut tamatuma kingorna pingajussaaneerinninnissamut allannguutissatut siunnersuummik saqqummiussipput. Allannguutissatut siunnersuutip nassataraa “inuussutissarsiutip” aalajangersakkap oqaasertalerneqarneranut ikkunneqarnera. Allannguutissatut siunnersuummut nassuiaatini Naalakkersuisut imatut allagaqarput:

”Siunnersuutip aappassaanerineqarnissaanut Inatsisunik Atortitsinermut Ataatsimiititaliap isumaliutissiissutaa tunngavigalugu pisariaqartinneqalersimavoq atuuffinnik allanik atuuffeqarnissaq pillugu aalajangersakkap erseqqinnerusunngortinneqarnissaa. Ataatsimiititaliap suliarinninnerani nalornissutigineqalersimavoq oqaatsimut “atuuffimmu” aammattaq “inuussutissarsiutip” ilaanersut. Taamaalilluni allanngortitsinissamik siunnersuutikkut erseqqissarneqarpoq aalajangersakkamut atuuffik inuussutissarsiullu ilaammata.”

Ataatsimiititaliaq allannguutissatut siunnersuut pillugu ilassutitut isumaliutissiissuummik saqqummiussivoq. Ilassutitut isumaliutissiissusiamini ataatsimiititaliaq imatut allappoq:

"Inuussutissarsiutit" aamma "atuuffiit" aalajangersakkami siunissami ilaatinneqartussanngorlugit § 25-imut allannguutissatut siunnersuummik Naalakkersuisut pingajussaaneerinissamut saqqummiussipput. Inatsisartut siulittaasuat, Naalakkersuisut siulittaasuat Naalakkersuisuniluunniit ilaasortaq ivertinneqarnermi nalaani allanik "atuuffeqartoq" "inuussutissarsiuteqartorluunniit" taakkunanga tunuassaaq.

Inatsisartunut Naalakkersuisunullu ilaasortat aningaasarsiaqartitaanerat pillugu inatsisip nutarternissaa Inatsisartut Siulittaasoqarfiannit kissaatigineqarsimavoq. Inatsimmi tassani allassimavoq Inatsisartut imaluunniit Naalakkersuisut siulittaasui imaluunniit Naalakkersuisunut ilaasortat allanik atuuffeqarunik tamanna Qinigaanerup Misilinneqarnissaanut Ataatsimiititaliamut nalunaarutigissagaat, taassumalu atuuffiit taakku pigiinnarneqarsinnaanersut isummerfigissagaa.

Aalajangersakkami pineqartumi aningaasarsiaqartitsineq pineqanngimmat aalajangersagaq allanngortinngilluinnarlugu Inatsisartut Naalakkersuisullu pillugit inatsisissatut siunnersuummut nuunneqassasoq siulittaasup Naalakkersuisoqarfia siusinnerusukkut isumaqatigissuteqarfigineqarpoq.

Inatsisartut Siulittaasoqarfiata aningaasarsiaqartitsinermut inatsisip nutarterneqarneranik saqqummiussisuusoq paragraffip oqaasertaanik tamatumani luunniit periuserineqartumik allannguinnissaq kissaatigisimangilaa.

Tamanna tunngavigalugu Qinigaanerup Misilinneqarnissaanut Ataatsimiititaliap atuuffinnik ingerlatsineq Inatsisartut maanna ataatsimiinneranni oqaluuseraa aalajangiullugulu maanna periuserineqartoq attatiinnarneqassasoq, taannalu malillugu siulittaasut arlaata Naalakkersuisunulluunniit ilaasortat arlaata atuuffinnik ingerlatsisinnaanerat ersarippoq, tassa tamanna siulittaasutut imaluunniit Inatsisartunut ilaasortatut atuuffimmuut sunniuteqassanngippat.

Ulloq manna tikillugu periuserineqartoq malillugu naalakkersuinermik sulialik inuussutissarsiutaanik arsaarneqarneq ajorpoq, assersuutigalugu umiatsiaararsortoq tulaassuisinnaajunnaarsillugu umiatsiaaqqaminik tuniseqquneqarneq ajorpoq imaluunniit naalakkersuinikkut suliallit politkerinngornissaat pissutiginnarlugu kilisaataatiminnut pisassiissutinik pigisaminnik tunisaqarnissamut pinngitsaalineqarneq ajortut. Kioskimik pigisaqartoq kioskiutimi tuninissaanut pinngitsaalineqarsinnaassanngilaq.

Atuuffiit inuussutissarsiutillu Qinigaanerup Misilinneqarnissaanut Ataatsimiititaliamit immikkoortisimaneqartuarsimapput, tamannali § 25-imut allannguutissatut siunnersuutikkut nutaakkut tassungalugu nassuiaatikku allanngortinneqarpoq. Tamatuma kingoma Naalakkersuisoq umiatsiaaqqamik imaluunniit aktianik pisissaguni

Qinigaanerup Misilinneqarnissaanut Ataatsimiititaliaq apereqqaarneqassaaq, suummi tamarmik inuussutissarsiutitut atorreqarsinnaammata.

Aalajangersakkap nuunneqarnissaani tamanna siunertarineqarsimannilaq.

Akerlianik naalackersuineramik suliaqartoq Naalackersuisutut atuunermini nammineq soqutigisani pineqartillugit suliamut attuumassuteqarnini pissutigalugu peqataasinnaannilaq. Periuseq tamanna atorreqartuarsimavoq.”

Ilimagineqarsimasinnaagaluarpoq ataatsimiititaliap tamanna tungavigalugu Naalackersuisut allannguutissatut siunnerasuutaata itigartitsissutigineqarnissaa inassutigissagaa, ataatsimiititaliali sumik pissuteqarnera ilisimaneqanngitsumik allannguutissatut siunnersuutip akuersissutigineqarnissaa inassutigisimavaa.

Tamatuma kingorna inatsisitigut inissisimaneq imaalerpoq, tassa allanik atuuffeqarsinnaanermuinnaanngitsoq aammattaarli inuussutissarsiuteqarsinnaanermut Qinigaasinnaanerup Misilinneqarnissaanut Ataatsimiititaliamit akuerineqarnissaq piumasqaataalerluni.

Ataatsimiititaliap paasinninnera malillugu Qinigaasinnaanerup Misilinneqarnissaanut Ataatsimiititaliaq arlaleriarluni Naalackersuisunut ilaasortat namminersorlutik inuussutissarsiutiminnik ingerlatsiinnarsinnaanerannut akuersisarsimavoq, tamatumunngali piumasqaataalluni taamak iliornermi suliakkersorneq ima annertutigissanngitsoq allaat Naalackersuisutut atuuffimmik illersorneqarsinnaasumik tigungmiaqarsinnaaneq ajornakusuulersinnaalluni.

3.4. Malittarisassat Naalackersuisunut ilaasortanut il.il. atuuttut assinginik borgmesterinut malittarisassiorsinnaanermut periarfissat

Inatsisinut Ataatsimiititaliap maluginiarpaa borgmesterip atuuffimmi saniatigut allamik suliffeqarsinnaaneramik suliffeqarfimmilluunniit ingerlatsisinnaaneramik mattussinissamut malittarisassiornissaq aalajangiiffigisassatut siunnersuutip aallaavittut siunertarigaa. Taamaalilluni aalajangiiffigisassatut siunnersuutip oqaasertalerneqarnermigut, borgmesterip suliffimmik allamik tigusisinnaanera suliffeqarfimmilluunniit ingerlatsisinnaanera attassiinnarsinnaaneraluunniit pillugu kommunalbestyrelsinut kommunalbestyrelsiniluunniit ataatsimiititalianut aalajangiinissamut piginnaatitaaffiliisumik, Naalackersuisut inatsisissatut siunnersuummik saqqummiussisinnaanermut piginnaaffilerpai (Inatsisartut Naalackersuisullu pillugit Inatsisartut inatsisaanni § 25-ip oqaasertalerneqarnerani “inuussutissarsiutip” taaneqarneratut).

Ataatsimiititaliattaq maliginarpaa, borgmesterip *atuuffinnik* allanik tigusisinnaanera aalajangiiffigisassatut siunnersuummit ilanngunneqarsimannngitsoq, tassani assersuutigalugu

Inatsisartunut Folketingimulluunniit ilaasortatut atuuffimmik. Taamaattorli aalajangiiffigisassatut siunnersuutip oqaasertalerneqarnera, aalajangiiffigisassatut siunnersuutip atuutsinneqalerneranut pisinnaasumut atatillugu, allannguutissatut siunnersuutikkut borgmesterip aamma *atuuffinnik* allanik tiguisinnaaneranut Naalackersuisut atuuttunngortitsisinnaanerannut akornusiinngilaq.

3.5. Isiginiagassat allat ataatsimiititaliap isummernissaanut sunniuteqartut

Isiginiagassat siunnersuuteqartumit erseqqissaatigineqartut (soqutigisat aporaatseratarsinnaanerannik killilersimaarinissamik kissaateqarneq atuuffiullu piffissaq tamakkerlugu tigummineqarnissaata isumannaarneqarnissaanik kissaateqarneq) saniatigut isiginiagassaq alla tassaavoq namminersorlutik inuussutissarsiummik ingerlataqartut (assersuutigalugu aalisartut piniartullu imaluunniit suliffeqarfiutillit) naalackersuinikkut suliaqalernissamut mattunneqarnissaasa qunullertinneqarnissaasaluunniit pinaveersimatinnissaa.

Ullumikkut naalackersuinikkut suliaqartoq assersuutigalugu taxaatilik, kioskiutilik, nujaleriffiutilik imaluunniit assagiarsunniummik piginneqataasoq, borgmesteritullu atuuffimmut innersuunneqartoq inuussutissarsiumminik ingerlatsinissamik asoorussisariaqanngilaq. Pineqartoq immaqa borgmesteritut taxaatiminik ingerlatsinissaminut kioskiutimini pisiniartitsinissaminut nujaleriffiutiminiluunniit nujaajaanissaminut piffissaqanngissinnaavoq, taamaattorli borgmesteri allanik tamakkuninnga suliaqartussanik immaqa atortsitsinnaavoq, namminerlu assersuutigalugu taamaallaat pisiniarnernik naatsorsuuserinernillu isumaginnittuulluni.

Malittarisassat siunnersuutigineqartut allanngortinneqassappata, naalackersuineramik suliaqartoq pineqartoq ajornartorsiuteqalissaaq. Pineqartup taxaatini / kioskiutini / nujaleriffiutini assagiarsunniummilluunniit piginneqataassutini tunisnaavai? Piserusuttoqarpa imaluunniit akissaqartoqarpa? Kiisalu naalackersuineramik suliaqartoq pineqartoq borgmesteritut ujamminik tunniussisariaqaleruni qanoq iliussava? Kioski nujaleriffilluunniit maannaakkut allamit pigineqarpoq. Taava borgmesteriusimasoq nammineerluni sumik inuuniuteqalissava? Immaqa pineqartoq kioskimik nujaleriffimmilluunniit allamik ammaaqqissinnaavoq, aanali apeqqut illoqarfimmi kioskimut nujaleriffimmulluunniit allamut pisiniartussat nujalerisikkiartortussallu naammattumik amerlassuseqassappat?

Ajornartorsiutit taamaattut namminersorlutik inuussutissarsiummik ingerlataqartut borgmesterinngorsinnaanermut kajumissuseerunnerannik nassataqarsinnaapput – tamanna immaqa pineqartoq borgmesteritsialaasinnaaruttorluni. Tamatuma aamma (saniatigut) naalackersuinikkut inissisimavimmut inuiaqatigiinnut pingaaruteqartilimmut

inuttassarsiuinermi qinigassat ikilisissinnaavai, oqartussaaqataanerullu aqqani ajornartorsiutitut taaneqarsinnaagunarluni.

4. Inatsisinut Ataatsimiititaliap inassuteqaataa

Inatsisinut Ataatsimiititaliap paasivaa isumaliutigisassaartoq siunnersuummut tapersiinnissamut tunngavissisinnaasunik, taamaattorli aamma isumaliutigisassaartoq tapersiinnnginnissamut tunngavissisinnaasunik.

Ataatsimiititaliami amerlanerussuteqartut Siumumeersut Demokraartineersullu isumaliutigisassat taakku ataatsimut nalilersuiffigereerlugit siunnersuutip itigartitsissutigineqarnissaa **inassutigaat**.

Demokraatit inassuteqarnermut atatillugu imatut oqaaseqaateqarput:

”Demokraatini nassuerutigaarput borgmesteri borgmesteritut atuuffeqarnerup saniatigut allanik suliffeqarpat, tamanna soqutigisanik aporaatsitsisoqarneranik tunniusimallunilu aallussilluannginnermik nassataqarsinnaasoq. Isumaqarpugulli eqqarsaatigisassat marluk eqqarsaatigissallugit pingaaruteqarnerusut. Siullertut borgmesterinnngorniarluni aallaavittut namminersorluni suliffiummik asoorussisoqartariaqassappat, borgmesteriusinnaasunik nassaarniarluni qinigassat ikilisinneqassapput. Aappaatut naalakkersuinermik suliaqartut naalakkersuinermik sulinerminnit tunuaraangamik suliffimmik uterfissaqanngippata, inuussutissarsiutiginiaannarlugu issiavimmilu issianiinnarniarluni naalakkersuinermik suliaqartut pilersinneqaratarsinnaapput.”

Ataatsimiititaliami ikinnerussuteqartut Inuit Ataqtigiinneersut siunnersuutip akuersissutigineqarnissaa inassutigaat.

Inuit Ataqtigiit inassuteqaatiminnut ilanngullugu imatut oqaaseqaateqarput:

”Inuit Ataqtigiinni pingaartipparput innuttaasunit oqariartuutigineqartartoq, Borgmesterit innuttaasunut naammaginantumik sullinneqarnissaminnik ujartuinerat.

Innuttaasut pillugit sulissaagut, inuttut soqutigisat salliutissanngilagut. Taama erseqqitsigisumik oqaatigineqarsinnaavoq.

Qanimut oqartussaaqataanerup qulakkeerneqarnissaa anguniarlugu borgemsterip piffinnut tamanut tikittarnissaa pingaaruteqarluinnartoq ilisimavarput. Upperilluinnarparput innuttaasut qinikkaminnik qanimut naapitsisarnerat, toqqaannartumillu eqqartueqatigiinnissamut periarfissaqarunik, innuttasut peqataarusussuiat annertunerusoq anguneraqarsinnaasoq. Taamaalilluni peqataarusussuseqarneq annertunerulerluni.

Kommunit kattunnerisa kingorna akisussaaffik annertusinera borgmesteriniippoq annertoq, taamaalilluni pisussaaffiup pimoorullugu tamakkiisumik isumagineqarnissaa pingaaruteqarluinnartoq Inuit Ataqatigiinni isumaqarpugut. Tamatumalu siunissami eqqumaffigineqarnissaa pingaaruteqarpoq.

Siunissaq ungasinnerusoq eqqarsaatigalugu borgmesterit borgemsteritut atuunnermi saniatigut aallaavittut suliffeqarsinnaanerannik suliffimmilluunniit ingerlatsisinnaanerannik pisinnaajunnaartitsisumik, Naalakkersuisut siunnersuuteqassasut.

Inuit Ataqatigiinniit oqaatigissavarput borgmesterit borgmesteriunermi inuussutissarsiummik annertuumik ingerlataqarunnaarnissaat pissusissamisoorsorigatsigu, taamalilluni innuttaasut assigiimmik pineqarnissaat qulakkeerneqassappat kaammattuutitut ingerlateqqikkusupparput borgmesterip atuuffini tamakkiisumik akisussaaffigisariaqaraa.”

Inatsisinut Ataatsimiititaliap taamatut oqaaseqarluni siunnersuut aappassaaniigassanngor-tippaa.

Anders Olsen
Siulittaasoq
Siumut

Laura Tàunâjik
Siumut

Michael Rosing
Demokraatit

Debora Kleist
Inuit Ataqatigiit

Iddimangiiu Bianco
Inuit Ataqatigiit